

禮

記

箋

禮記箋

仲尼燕居第二十八

仲尼燕居子張子貢言游侍縱言至於禮

言游言偃子游也縱言汎

說事

子曰居女三人者吾語女禮使女以禮周流無不徧

也

居女三人者女三人且坐也使之坐凡與尊者言更端則起

子貢越席而對曰敢問何如

對應也

子曰敬而不中禮謂

之野恭而不中禮謂之給勇而不中禮謂之逆子曰給

奪慈仁

奪猶亂也巧言足恭之人似慈仁實鮮仁特言是者感子貢也子貢辯近於給

子曰師爾過而商也不及子產猶眾人之母也能食之

不能教也

過與不及言敏鈍不同俱違禮也眾人之母言子產慈仁多不矜莊又與子張相反子產

皆以其乘車濟冬涉者而車梁不成是慈仁亦違禮

子貢越席而對曰敢問將何以爲此中者也子曰禮乎

禮夫禮所以制中也

禮乎禮唯

子貢退言游進曰敢問禮也者領惡而全好者與子曰

然

領猶治也

然則何如子曰郊社之義所以仁鬼神也

嘗禘之禮所以仁昭穆也饋奠之禮所以仁死喪也射

鄉之禮所以仁鄉黨也食饗之禮所以仁賓客也

仁猶存也

凡存此者所以全善之道也郊社嘗禘饋奠存死之善者也射鄉食饗存生之善者也郊有后稷社有句龍○

愚按注存謂存念也禮生於仁故五者之禮並以仁言 子曰明乎郊社之義嘗禘

之禮治國其如指諸掌而已乎是故以之居處有禮故長幼辨也以之閭門之內有禮故三族和也以之朝廷有禮故官爵序也以之田獵有禮故戎事閑也以之軍旅有禮故武功成也是故宮室得其度量鼎得其象味得其時樂得其節車得其式鬼神得其饗喪紀得其哀辨說得其黨官得其體政事得其施加於身而錯於前凡眾之動得其宜治國指諸掌言易知也郊社嘗禘尊卑之事有治國之象焉辨別也三族父子孫也凡言得者得法於禮也量豆區斗斛也味酸苦之屬也四時有所多及獻所宜也式謂載也所載有

尊卑辨禮之說謂禮樂之官教學者黨類也體尊卑異而合同○方氏苞曰上五者第曰禮原禮之所以制也此五者曰以之用人之用禮言也知禮則失得從違判若白黑故辨說得其黨凡此皆所謂好也惟有禮故能全子曰禮者何也卽事之治也君子有其事必有其治治國而無禮譬猶瞽之無相與偃偃乎其何之譬如終夜有求於幽室之中非燭何見若無禮則手足無所錯耳目無所加進退揖讓無所制是故以之居處長幼失其別閭門三族失其和朝廷官爵失其序田獵戎事失其策軍旅武功失其制宮室失其度量鼎失其象味失其時樂失其節車失其式鬼神失其饗喪紀失其哀辨

說失其黨官失其體政事失其施加於身而錯於前凡  
眾之勅失其宜如此則無以祖洽於眾也凡言失者無  
也祖始也洽合也言失禮無以為眾倡始無以合和眾  
○愚按禮隨事而在苟無禮則事不行故有其事必有  
其治也○方氏苞曰凡此皆所謂  
惡也惟無禮故無以領而去之也

子曰慎聽之女三人者吾語女禮猶有九焉大饗有四  
焉苟知此矣雖在畎畝之中事之聖人已兩君相見揖  
讓而入門入門而縣興揖讓而升堂升堂而樂闋下管  
象武夏籥序興陳其薦俎序其禮樂備其百官如此而  
后君子知仁焉行中規還中矩和鸞中采齊客出以雍

徹以振羽是故君子無物而不在禮矣入門而金作示  
情也升歌清廟示德也下而管象示事也是故古之君  
子不必親相與言也以禮樂相示而已猶有九焉吾所  
欲語女餘有九  
也但大饗有四大饗謂饗諸侯來朝者也四者謂金再  
作升歌清廟下管象也事之謂立置於位也聖人已者  
是聖人也縣興金作也金再作者獻主君又作也下謂  
堂下也象武舞也夏篇文舞也序更也堂下吹管舞  
文武之樂更起也知仁焉知禮樂所存也采齊雍振羽  
皆樂章也振羽振鷺及雍金作示情也賓主人各以情  
相示也金性內明象人情也示德也相示以德也清廟  
頌文王之德示事也相示以事也武象武王之大事也  
○愚按樂閣之下晚升歌清廟一句夏翟也詩云左手  
執籥右手秉翟卽下文興羽籥是也疏以夏爲大夏非  
也人而不仁如禮何禮本於仁故行禮而曰君子知仁  
也疏以行中規以下凡五事合上大饗四者爲九也又

按九者之義盧植王肅說各不同皆與鄭異而義皆似  
劣於鄭故不從也下管象疏按周頌維清奏象舞也注  
云武王制焉愚按下管象文王世子明堂位祭統皆有  
此句明堂位注云象謂周頌武也毛詩疏辨下管象武  
不指維清之詩齊召  
南譏其相矛盾也子曰禮也者理也樂也者節也君

子無理不動無節不作不能詩於禮繆不能樂於禮素

薄於德於禮虛

繆誤也素猶質也歌詩所以通禮意也

行也王制曰樂正崇四術立四教順先王詩書禮樂以實禮  
造上春秋教以禮樂冬夏教以詩書王大王詩書禮樂以  
之大子卿大夫元士之適子國之俊選  
皆造焉則古之人皆知諸侯之禮樂子曰制度在禮

文爲在禮行之其在人乎

文爲文子貢越席而對曰敢

問夔其窮與

達見其不子曰古之人與古之人也達於禮



而不達於樂謂之素達於樂而不達於禮謂之偏夫夔

達於樂而不達於禮是以傳於此名也古之人也素與

不備耳夔達於樂傳世名此賢人也非不能非所謂窮

○愚按素與於禮素之素同也伯夷典禮猶讓夔龍周

官宗伯實兼司樂則夔非不達於禮明矣或者洞悉精

微不如其達於樂之尤深耳非不通也何得謂之窮

子張問政子曰師乎前吾語女乎君子明於禮樂舉而

錯之而已言禮樂足以爲政也子張復問子曰師爾以爲

也錯猶施行也

必鋪几筵升降酌獻酬酢然後謂之禮乎爾以爲必行

綴兆興羽籥作鐘鼓然後謂之樂乎言而履之禮也行

而樂之樂也君子力此二者以南面而立夫是以天下

大平也諸侯朝萬物服體而百官莫敢不承事矣禮之  
所興眾之所治也禮之所廢眾之所亂也目巧之室則  
有奧阼席則有上下車則有左右行則有隨立則有序  
古之義也室而無奧阼則亂於堂室也席而無上下則  
亂於席上也車而無左右則亂於車也行而無隨則亂  
於塗也立而無序則亂於位也昔聖帝明王諸侯辨貴  
賤長幼遠近男女外內莫敢相踰越皆由此塗出也

服體

體服也謂萬物之符長皆來爲瑞應也眾之所治眾之  
所以治也眾之所亂眾之所以亂也目巧謂但用巧目  
善急作室不由法度猶有奧阼賓主之處也自目巧以  
下古今常事不可廢改也○釋文云符長隱義云符謂

甘露醴泉之屬長謂麟鳳五靈之屬三子者既得聞此  
○想按服體謂萬物以形體相屈服乃曉禮樂不可  
言也於夫子昭然若發矇矣廢改之意也

禮記箋

孔子閒居第二十九

孔子閒居子夏侍子夏曰敢問詩云凱弟君子民之父

母何如斯可謂民之父母矣

凱弟樂易也

孔子曰夫民之父

母乎必達於禮樂之原以致五至而行三無以橫於天

下四方有敗必先知之此之謂民之父母矣

原猶本也橫充也敗

謂禍哉也○愚按四方有敗必先知之非切於愛民者不能如父母愛子必爲子計深遠也

子夏曰民之父母旣得而聞之矣敢問何謂五至孔子

曰志之所至詩亦至焉詩之所至禮亦至焉禮之所至

樂亦至焉樂之所至哀亦至焉哀樂相生是故正明目而視之不可得而見也傾耳而聽之不可得而聞也志

氣塞乎天地此之謂五至

凡言至者至於民也志謂恩意也言君恩意至於民則其

詩亦至也詩謂好惡之情也自此以下皆謂民之父母者善推其所有以與民共之人耳不能聞目不能見行之在胸中也塞滿也○愚按至猶極也志之所至謂凱弟也詩謂民間風謠也風謠美則禮俗刑故禮亦至焉禮俗刑則頌聲作故樂亦至焉目不可見耳不可聞極言至之微妙也如云無聲無臭至矣

子夏曰五至既得而聞之矣敢問何謂三無孔子曰無

聲之樂無體之禮無服之喪此之謂三無子夏曰三無

既得略而聞之矣敢問何詩近之

於意未察求其類於詩詩長人情孔

賢知之輔佐若天將降時雨山川爲之先出雲矣峻高  
大也翰幹也言周道將興五嶽爲之生賢輔佐仲山甫  
及申伯爲周之幹臣天下之蕃衛宣德於四方以成其  
王功此文武之德也是文王武王奉天地無私之德也  
此宣王詩也文武之時其德如此而詩無以言之取類  
以明之○方氏苞曰耆致也謂致其所欲也注疏以王  
天下言誤矣此節蓋因天道至教而言人事之與天地  
相感通以昭假遲遲上帝是祇之義也家語作有物  
將至其兆必先有與耆其與有形近而譌也○愚按嵩毛詩  
新而譌也兆與開疑亦剝蝕形近而譌○愚按嵩毛詩  
作崧甫三代之王也必先其令聞詩云明明天子令聞  
甫侯也三代之王也必先其令聞詩云明明天子令聞  
不已三代之德也命善也言以名德善聞天乃弛其文  
德協此四國大王之德也弛施也協和也大王文王之  
按此節申言三王之無私以王天下本其先代之意子夏  
有令聞追言大王之始造周以終有開必先之意子夏

蹶然而起負牆而立曰弟子敢不承乎

承奉承不失隊也起負牆者所

問竟碎後來者

禮記箋

坊記第三十

子言之君子之道辟則坊與坊民之所不足者也

民所不足

謂仁義之道也失道則放辟邪侈也

大爲之坊民猶踰之

言嚴其禁尙不能止況不禁乎

故君子禮以坊德刑以坊淫命以坊欲

命謂教令○愚按命天命也孟

子謂性也有命焉君子不謂性所謂命以坊欲也禮以坊德者仁義皆天德也過之則有蔽以禮坊之則釋回

而增美坊與防古字通

子云小人貧斯約富斯驕約斯盜驕斯亂

約猶窮也

禮者因

人之情而爲之節文以爲民坊者也故聖人之制富貴



也使民富不足以驕貧不至於約貴不嫌於上故亂益

亡此節文者謂農有田里之差士有爵命之級嫌恨不滿之貌也嫌或為嫌

子云貧而好樂富而好禮眾而以寧者天下其幾矣言如

此者寡也寧安也大族眾家恆多作亂詩云民之貪亂寧為荼毒言民之貪為亂

者安其荼毒故制國不過千乘都城不過百雉家富不

過百乘以此坊民諸侯猶有畔者古者方十里其中六

此兵賦之法也成國之賦千乘雉度名也高一丈長三

丈為雉百雉為長三百丈方五百步子男之城方五里

百雉者此謂大都三國之一○齊召南曰千乘之說有二謂地方三百一十六里而出車千乘者馬鄭說也謂千乘即百里之國者包咸何休說也不能相通包氏注論語以為古者井田方里為井十井為乘百里之國通

計萬井則魯地方百里當有千乘矣朱子注孟子以包氏之說為是

子云大禮者所以章疑別微以為民坊者也故貴賤有

等衣服有別朝廷有位則民有所讓位也朝子云天無二

日土無二王家無二主尊無二上示民有君臣之別也

春秋不稱楚越之王喪禮君不稱天大夫不稱君恐民

之惑也楚越之君僭號稱王不稱其喪謂不書葬也春

君稱天子為天王稱諸侯不言天公辟王也大夫有臣

者稱之曰主不言君辟諸侯也此者皆為使民疑惑不

知孰尊也周禮曰主詩云相彼盍旦尚猶患之夜盍旦

求旦之鳥也求不可得也人猶惡其欲反晝夜而亂晦

明況於臣之僭君求不可得之類亂上下惑眾也○按

盂一作渴一作鳴旦一作鳴子云君不與同姓同車與異姓同車不

同服示民不嫌也以此坊民民猶得同姓以弑其君同姓

者謂先王先公子孫有繼及之道者也其非此則無嫌也僕右恆朝服君則各以時事唯在軍同服爾

子云君子辭貴不辭賤辭富不辭貧則亂益亡亡無故

君子與其使食浮於人也寧使人浮於食食謂祿也在上曰浮祿勝

己則近貧己勝祿則近廉

子云觴酒豆肉讓而受惡民猶犯齒衽席之上讓而坐

下民猶犯貴朝廷之位讓而就賤民猶犯君犯猶僭也齒年也禮

六十以上薤豆有加貴秩異者詩云民之無良相怨一方受爵不讓至

于已斯亡

良善也言無善之人善遙相怨貪爵祿好得無讓以至亡已○愚按爵飲器也引此以證

觴酒豆肉

須讓之義

子云君子貴人而賤已先人而後已則民作讓故稱人

之君曰君自稱其君曰寡君

寡君猶言少德之君言之謙

子云利祿先死者而後生者則民不偯先亡者而後存

者則民可以託

言不愉於死亡則於生存信○釋文愉音偷本亦作偷

詩云先君

之思以畜寡人

此衛夫人定姜之詩也定姜無子立庶子衎是為獻公畜孝也獻公無禮於定

姜定姜作詩言獻公當思先君定公以孝於寡人○釋文云畜毛詩作勛定姜之詩此是魯詩毛詩為莊姜

以此坊民民猶偯死而號無告

死者見偯其家之老弱號呼稱冤無所告無理

也

子云有國家者貴人而賤祿則民興讓尙技而賤車則

民興藝

言人君貴尙賢者能者而不吝於班祿賜車服則讓道興賢者能者人所服也技猶藝也故

君子約言小人先言

言人尙德不尙言也約與先互言爾君子約則小人多矣小人先則

君子後矣易曰君子以多識前言往行以畜其德

子云上酌民言則下天上施上不酌民言則犯也下不

天上施則亂也

酌猶取也取眾民之言以爲政教則得民心得民心則恩澤所加民受之如天

矣言其尊。方氏苞曰違於義理逆於故君子信讓以

眾心皆所謂犯也信讓卽酌民言之謂故君子信讓以

泣百姓則民之報禮重猶言能死其難者

詩云先民有

言詢于芻蕘先民謂上古之君也詢謀也芻蕘下民之事也言古之人君將有政教必謀之於庶

民乃施之

子云善則稱人過則稱己則民不爭善則稱人過則稱

己則怨益亡詩云爾卜爾筮履無咎言爾女也履禮也言女鄉卜筮然

後與我為禮則無咎惡之言矣言惡在己彼過淺○愚

接以卜筮無咎言稱爾證善則稱人之意履毛詩作體

兆之體子云善則稱人過則稱己則民讓善詩云考卜

惟王度是鎬京惟龜正之武王成之度謀也鎬京鎬宮也言武王卜而謀

居此鎬邑龜則出吉兆正之武王築成之此臣歸美於君○愚按此似言歸美於龜卜為讓善耳宅古多作度

此蓋皆齊魯韓詩也子云善則稱君過則稱己則民作

忠君陳曰爾有嘉謀嘉猷入告爾君于內女乃順之于

外曰此謀此猷惟我君之德於乎是惟良顯哉君陳蓋周公之

子伯禽弟也名篇在尚書今亡嘉善也猷道也於乎是惟良顯哉美君之德子云善則稱親

過則稱己則民作孝大誓曰子克紂非予武惟朕文考

無罪紂克予非朕文考有罪惟予小子無良大誓尚書篇名也克

勝也非予武非我武功也文考文王也無罪則言有德也無良無功善也此武王誓眾以伐紂之辭也今大誓

無此章則其篇散亡

子云君子弛其親之過而敬其美弛猶棄忘也孝子不

氏苞曰非也過已成矣為子者不復藏識父母之過方孝弛者使其過有所解而人不忍攻幹蠱之義也禹能

灝沈澹災三代命祀鯀亦列焉且曰論語曰三年無改

於父之道可謂孝矣不以己善高宗云三年其惟不言

言乃謹高宗殷王武丁也名篇在尚書三年不言有父

下皆歡喜樂子云從命不忿微諫不倦勞而不怨可謂

孝矣微諫不倦者子於父母尚和順不用鄂鄂論語曰

過下氣怡色柔聲以諫諫若不入詩云孝子不匱匱乏

起敬起孝說則復諫此所謂不倦詩云孝子不匱匱乏

止之時子云睦於父母之黨可謂孝矣睦厚也黨猶親也故君

子因睦以合族燕與族人食詩云此令兄弟綽綽有

裕不令兄弟交相為瘉令善也綽綽寬容貌子云於父



之執可以乘其車不可以衣其衣君子以廣孝也

父之執與

父執志同者也可以乘其車車於身差遠也謂今與已位等

子云小人皆能養其親

君子不敬何以辨

辨別

子云父子不同位以厚敬也

位同

尊卑等角其相褻

書云厥辟不辟忝厥祖

厥其也辟君也忝辱也為君不君與臣子

相褻則辱先祖矣君父之道宜尊嚴

子云父母在不稱老言孝不言慈閭

門之內戲而不歎

孝上施言慈則嫌下流也戲謂孺子言笑者也孟子曰舜年五十而不失

其孺子之心歎謂有憂戚之聲也○愚按不稱老非但

不自稱也雖稱他人猶為嫌老其親也不言慈嫌若感其親也戲如老萊子為孺子戲以娛親

君子以此坊民民猶薄於孝而厚

於慈子云長民者朝廷敬老則民作孝

長民謂天子諸侯也子云

祭祀之有尸也宗廟之有主也示民有事也脩宗廟敬

祀事教民追孝也

有事有所尊事

以此坊民民猶忘其親

子云敬則用祭器

祭器邊豆盞鉶之屬也有敬事於賓客則用之謂饗食也盤盂之屬為燕

器

故君子不以非廢禮不以美沒禮

言不可以其薄不

不可以其美過禮而去禮

故食禮主人親饋則客祭主

人不親饋則客不祭故君子苟無禮雖美不食焉易曰

東鄰殺牛不如西鄰之禴祭寔受其福

東鄰謂紂國中

國中此辭在既濟既濟離下坎上離為牛坎為豕西鄰禴祭則用豕與言殺牛而凶不如殺豕受福喻奢而慢不如儉而敬也春秋傳曰黍稷非馨明德惟馨信矣

蓋父兄為客則主人於詩云既醉以酒既飽以德言君子饗

燕非專為酒肴亦以此示民民猶爭利而忘義

子云七日戒三日齋承一人焉以為尸過之者趨走以

教敬也承猶事也醴酒在室醕酒在堂澄酒在下示

民不淫也淫猶貪也澄酒清酒尸飲三眾賓飲一示民

有上下也上下猶尊卑也主人主婦上賓因其酒肉聚

其宗族以致民睦也言祭有酒肉羣昭羣穆皆至而獻醕之咸有薦俎故堂上

觀乎室堂下觀乎上謂祭時肅敬詩云禮儀卒度笑語

卒獲卒盡也獲得也言在廟中者不失其禮儀皆歡喜得其節也

子云賓禮每進以讓喪禮每加以遠浴於中鬻飯於牖  
下小斂於戶內大斂於阼殯於客位祖於庭葬於墓所  
以示遠也遠之所以崇敬也阼或爲堂○方氏苞曰喪  
禮節以爲之紀也自浴於中鬻至葬於墓每節皆有哭  
泣辟踊祭弔之禮所以示遠而不可怠也故卒哭之弔  
宜於家正爲民之卒事不嫌於過厚耳殷人弔於壙周  
舊說以檀弓卽遠之義詰似不可通人弔於家示民不偯也既葬哀而哭踊於是弔之子云死民之卒事  
也吾從周周於送死尤備以此坊民諸侯猶有薨而不葬者方○  
氏苞曰告薨而鄰國不會葬也

子云升自客階受弔於賓位教民追孝也

謂反哭時也既葬矣猶不

由阼階不忍卽父位也

未沒喪不稱君示民不爭也故魯春秋記

晉喪曰殺其君之子奚齊及其君卓

沒終也春秋傳曰諸侯於其封內三

年稱子至其臣子踰年則謂之君矣奚齊與卓子皆以獻公之子也獻公卒其年奚齊殺明年而卓子殺矣

此坊民子猶有弑其父者

弑父不子之甚

子云孝以事君弟以事長示民不貳也故君子有君不

謀仕唯卜之日稱二君

不貳不自貳於尊者也自貳謂若鄭叔段者也君子有君謂君

之子父在者也不謀仕嫌遲爲政也卜之日謂君有故而爲之卜也二當爲貳唯卜之時辭得曰君之貳某爾

晉惠公獲於秦命其大夫歸擇立君曰其卜貳圉也○按方氏苞云既有君則不謀仕於他國或謀得美仕惟

筮仕之初未決所從則可稱二君以決之愚按此章語意未詳方氏苞說亦未確然且似與孝弟不貳意微隔

不如仍喪父三年喪君三年示民不疑也不疑於君之尊也君無骨

肉之親不重其服至尊不明其父母在不敢有其身不敢私其財示民

有上下也身及財皆當統於故天子四海之內無客禮

莫敢為主焉故君適其臣升自阼階卽位於堂示民不

敢有其室也臣亦統父母在饋獻不及車馬示民不敢

專也車馬家物以此坊民民猶忘其親而貳其君

子云禮之先幣帛也欲民之先事而後祿也此禮謂所執之贄以

見者也既相見乃奉幣帛以修好也或云禮之先辭而後幣帛先財而後禮則民利幣

猶貪也利無辭而行情則民爭辭辭讓也情故君子於有

饋者弗能見則不視其饋

饋遺也。不能見，謂有疾也。不視，猶不內也。○愚按：不納，非

不受也。謂使人代受，自己不納而視之耳。蓋必有喪，易疾者不能親受，故亦不食之。若視之則嫌於欲食矣。

曰不耕穫，不菑畲凶。

言必先種之，乃得穫。若先菑，乃得

歲曰百穀，三歲曰新。○愚按：今易本無凶字。

以此坊民，民猶貴祿而賤

行。

行猶事也。言務得其祿，不務其事。

子云：君子不盡利以遺民。

不與民爭利也。

詩云：彼有遺秉，此有

不斂穧。伊寡婦之利。

言穫者之遺餘，措拾所以為利。

故君子仕則不稼，

田則不漁，食時不力珍，大夫不坐羊，士不坐犬。

食時謂食四時

之膳也。力猶務也。天子諸侯有秩膳，古者殺牲食其肉，坐其皮不坐犬羊是不無故殺之。○愚按：殺食而不坐

其皮亦不盡利之道詩云采葑采菲無以下體德音莫違及爾同死也采葑菲之陳宋之間謂之葑菲當類也下體謂其根取之苦則棄之并取之是葑也此詩故親今疏者言人之交當如采葑采菲取一善而已君子不求備於一人能如此則德美之音不離令名我願與女同死矣論語曰故舊無大故則不棄也○疏云鄭此注前釋正合意如此今所未詳

身

以此坊民民猶忘義而爭利以亡其

子云夫禮坊民所淫章民之別使民無嫌以爲民紀者

也

淫猶貪也章明也嫌嫌疑也

故男女無媒不交無幣不相見恐男

女之無別也

重男女之會所以遠別之於禽獸也有幣者必有媒有媒者不必有幣仲春之月會



男女之時不必待幣以此坊民民猶有自獻其身獻猶進也○按

字當在所詩云伐柯如之何匪斧不克取妻如之何匪

媒不得蓺麻如之何橫從其畝取妻如之何必告父母

伐柯伐木也克能也蓺猶樹也橫從橫行治其田也言取妻之法必有媒如伐柯之必須斧也取妻之道必告父母如樹麻當先易治其田○愚

按橫從之義詩毛傳云從獵之橫獵之

子云取妻不取同姓以厚別也厚猶遠也故買妾不知其姓

則卜之妾言買者以其賤同之於眾物也士庶之妾恆多凡庸有不知其姓者以此坊民

魯春秋猶去夫人之姓曰吳其死曰孟子卒吳大伯之後魯同姓

也昭公取焉去姬曰吳而已至其死亦略云孟子卒不書夫人某氏薨孟子蓋其且字

子云禮非祭男女不交爵交爵謂相獻酢以此坊民陽侯猶殺

繆侯而竊其夫人同姓也以貪夫人之色至殺君而立其國未聞○愚按以交勢推之蓋是

二君相朝夫人出饗賓因殺其君而竊之耳既云其國未聞何以知為同姓相弑也疏謂陽侯是諡亦非也逸

周書有陽氏之君未知當此陽侯何人是陽乃國名矣繆侯即蓼侯淮南子汜論訓作蓼侯高誘注云陽侯陽

陵國侯蓼侯偃姓國侯也今在廬江古者大饗飲酒君執爵夫人執豆陽侯見蓼侯夫人美豔因殺蓼侯而娶

夫人由是廢故大饗廢夫人之禮大饗饗諸侯來朝者夫人之禮使人攝

子云寡婦之子不有見焉則弗友也君子以辟遠也有

謂睹其才藝故朋友之交主人不在不有大故則不入也同志為友

其門大故以此坊民民猶以色厚於德子云好德如好

色

此句似不足論語曰未見好德如好諸侯不下漁色

謂不內取於國中也內取國中爲下漁色昏禮始納采

無所擇故君子遠色以爲民紀故男女授受不親不親者不以手

相與也則女受以筐其無籠則皆坐奠之而後取之御婦人則

進左手御者在右前左姑姊妹女子子已嫁而反男子

不與同席而坐女子十年而不出也嫁及成人可以寡

婦不夜哭嫌思婦人疾問之不問其疾嫌媚略之也以

此坊民民猶淫泆而亂於族亂族犯非

子云昏禮婿親迎見於舅姑舅姑承子以授壻恐事之

違也舅姑妻之父母也妻之父爲外舅妻之母爲外姑父戒女曰夙夜無違命母戒女曰毋違宮事此坊民婦猶有不至者成公九年春二月伯姬歸於宋不至不親夫以孝舅姑也春秋夏五月季孫行父如宋致女是時宋共公不親迎恐其有違而致之也○愚嘗讀毛詩序有男行而女不隨者固嘗疑之及讀此記推尋文義似謂衰世有因禮不備女不自行而以他賤女代之者故此記謂舅姑親承子以授壻恐事之違蓋防有他變也但此事考之經傳無可依據則仍從注說可也

禮記箋

中庸第三十一

天命之謂性率性之謂道脩道之謂教

天命謂天所命生人者也是謂

性命木神則仁金神則義火神則禮水神則信土神則

知孝經說曰性者生之質命人所稟受度也率循也循

性行之是謂道脩治也治而廣之人放倣之是曰教○

愚按注似當云土神則信水神則知○賀瑒云性之與

情猶波之與水靜時是水動道也者不可須臾離也可

則是波靜時是性動則是情道也者不可須臾離也可

離非道也由道猶道路也出入動作是故君子戒慎乎其

所不睹恐懼乎其所不聞也小人閒居爲不善無所不至

聽之無聲猶戒慎恐懼自莫見乎隱莫見乎微故君子

脩正是其不須臾離道莫見乎隱莫見乎微故君子

脩正是其不須臾離道莫見乎隱莫見乎微故君子

慎其獨也

慎獨者慎其閒居之所為小人於隱者動作言語自以為不見睹不見聞則必肆盡其情

也若有佔聽之者是為顯見甚於眾人之中為之

喜怒哀樂之未發謂之中發

而皆中節謂之和中也者天下之大本也和也者天下

之達道也

中為大本者以其含喜怒哀樂禮之所由生政教自此出也

致中和天地

位焉萬物育焉

致行之至也位猶正也育生也長也

仲尼曰君子中庸小人反中庸君子之中庸也君子而

時中小人之中庸也小人而無忌憚也

庸常也用中為常道也反中庸

者所行非中庸然亦自以為中庸也君子而時中者其容貌君子而又時節其中也小人而無忌憚其容貌小人又以無畏難為常行是其反中庸也○愚按君子小人不合以容貌言君子謂其質美也小人謂其質劣也

如以容貌而已則君子亦有貌惡小人亦有色莊非所  
據也。釋文云小人之中庸也王肅本作小人之反中  
庸也。子曰中庸其至矣乎民鮮能久矣。鮮罕也言中庸爲  
也。久行。愚按久矣言非一日稱民鮮能爲下節起也又  
按中庸在禮篇先儒本以爲雜記之書故篇第或未明  
朱子始以爲談道之書故章句易其舊禮是子曰道之  
鄭學自當依注然其不即人心者固亦有矣子曰道之  
不行也我知之矣知者過之愚者不及也道之不明也  
我知之矣賢者過之不肖者不及也人莫不飲食也鮮  
能知味也。罕知其味謂愚者所以不及也過與不及使  
言之耳人鮮能知味即是民鮮能。子曰道其不行矣夫  
中庸也知愚賢不肖皆在其中。子曰道其不行矣夫  
君教之

子曰舜其大知也與舜好問而好察邇言隱惡而揚善

執其兩端用其中於民其斯以爲舜乎

邇近也近言而善易以進又察

而行之也兩端過與不及也用其中於民賢與不肖皆能行之也斯此也其德如此乃號爲舜舜之言充也○愚按兩端言之兩頭也論語曰我叩其兩端孟子曰大舜有大焉樂取諸人以爲善白虎通曰舜猶倅倅也蓋不自多之意

子曰人皆曰予知驅而納諸罟獲陷阱之中而莫之知

辟也人皆曰予知擇乎中庸而不能期月守也

予我也言凡人

自謂有知人使之入罟不知辟也自謂擇中庸而爲之亦不能久行言其實愚又無恆○愚按自言予知卽與舜之大知相反矣



子曰回之爲人也擇乎中庸得一善則拳拳服膺而弗

失之矣拳拳奉持之貌子曰天下國家可均也爵祿可辭也白

刃可蹈也中庸不可能也言中庸難爲之難○愚按如

乃稍稱之曰回也其庶乎屢空矣言能空於物也此中庸所以難能也

子路問強強勇者子曰南方之強與北方之強與抑而

強與言三者所以爲強者異也抑辭也而之言女也謂中國也○愚按而強謂汝所當強即下文君子也

寬柔以教不報無道南方之強也君子居之南方以舒緩爲強不

報無道謂犯而不校也衽金革死而不厭北方之強也而強者居

之衽猶席也北方以剛猛爲強故君子和而不流強哉矯中立而不

倚强哉矯國有道不變塞焉强哉矯國無道至死不變

强哉矯

此抑女之强也流猶移也塞猶實也國有道不變以趨時國無道不變以辟害有道無道一也

矯强貌塞或爲色

子曰素隱行怪後世有述焉吾弗爲之矣

素讀爲攻城攻其所係之

僚僚猶鄉也言方鄉辟害隱身而行詭譎以作後世名

也弗爲之矣恥之也○朱子曰素按漢書當作索蓋字

之誤也索隱行怪言深求隱君子遵道而行半途而廢

吾弗能已矣

廢猶罷止也弗能已矣汲汲行道不爲時人之隱行○朱子曰已止也君子

依乎中庸遯世不見知而不悔惟聖者能之

言隱者當如此也唯

舜爲能如此○愚按上言吾弗爲吾弗能已君子之道則此正孔子所能行矣曰唯聖者能之謙也

費而隱

言可隱之節也費猶危也道不費則仕○釋文

行怪及此章為一節因有兩隱字偶同遂強解之費字

廣也隱體之微也費符味反理始可通○愚按用度

婦之愚可以與知焉及其至也雖聖人亦有所不知焉

夫婦之不肖可以能行焉及其至也雖聖人亦有所不

能焉其與有所知可以其能有所行者以其知行之極

也聖人有不能如此舜好察邇言由此故與○愚按此

字月天地之大也人猶有所憾憾恨也天地至大無不

於聖人能故君子語大天下莫能載焉語小天下莫能

破焉

語猶說也所說大事謂先王之道也所說小事謂若愚不肖夫婦之知行也聖人盡兼行○愚按語

大謂聖人天地所不能盡也

詩云鳶飛戾天魚躍于淵言其上下察

也察猶著也言聖人之德至於天則為飛戾天至於地則魚躍于淵是其著明於天地也

君子之

道造端乎夫婦及其至也察乎天地

夫婦謂匹夫匹婦之所知所行

子曰道不遠人人之為道而遠人不可以為道言道即

能行也詩云伐柯伐柯其則不遠執柯以伐柯睨而視

之猶以為遠

則法也言持柯以伐木將以為柯近以柯為尺寸之法此法不遠人人尚遠之明為

道不可以遠○疏引周禮云柯長三尺博三寸

故君子以人治人改而止

言人

過君子以人道治之其人改則止赦之不責以人所不能○愚按治人謂教治於人非必人有罪過也以人治

人其則不遠改而忠恕違道不遠施諸己而不願亦勿

弗止是求諸遠矣違猶去也君子之道四丘未能一焉所求乎子以事

父未能也所求乎臣以事君未能也所求乎弟以事兄

未能也所求乎朋友先施之未能也聖人而曰我未能明人當勉之無已

庸德之行庸言之謹有所不足不敢不勉有餘不敢盡

言顧行行顧言庸猶常也言德常行也言常謹也聖人之行實過於人有餘不敢盡常爲人法

從禮也○朱子曰行不足而勉則君子胡不慥慥爾君

行益力言有餘而訥則謹益至謂眾賢也慥慥守實言行相應之貌君子素其位而行不願乎其外素富

貴行乎富貴素貧賤行乎貧賤素夷狄行乎夷狄素患

難行乎患難君子無入而不自得焉

素皆讀為僚不願

其位也自得謂所鄉不失其道○愚按素如繪事後素

此言素位猶在上位不陵下在下位不援上

援謂牽正

已而不求於人則無怨上不怨天下不尤人

無怨人無

論語曰君子求諸己小人求諸人○愚按無怨謂己無

四事故君子居易以俟命小人行險以徼幸

易猶平安

天任命也險子曰射有似乎君子失諸正鵠反求諸其

謂傾危之道身反求於其身不以怨人畫布曰正棲皮曰鵠○愚按

此節當屬上為一章注疏斷從下章非也今從朱子

正改

君子之道辟如行遠必自邇辟如登高必自卑自從也

行之以近者卑者始以漸致之高遠詩曰妻子好合如鼓瑟琴兄弟既翕

和樂且耽宜爾室家樂爾妻帑琴瑟聲相應和也翕合也

孫曰帑此詩言和室家之道自近者始○釋文云帑本又作孥尚書傳毛詩箋並云子也杜預注左傳云妻子

也子曰父母其順矣乎謂其教令行使室家順○朱子曰

邇登高自卑之意

子曰鬼神之爲德其盛矣乎視之而弗見聽之而弗聞

體物而不可遺體猶生也可猶所也不有所遺言萬物無不以鬼神之氣生也○朱子曰體物

猶易所謂幹事使天下之人齊明盛服以承祭祀洋洋乎如在

其上如在其左右

明猶潔也洋洋人想思其傍優詩曰之貌○釋文云傍皇謂左右也

神之格思不可度思矧可射思

格來也矧況也射厭也思皆聲之助言神之來

其形象不可億度而知事之盡敬而已況可厭倦乎

夫微之顯誠之不可揜如此

夫

言神無形而著不言而誠

子曰舜其大孝也與德爲聖人尊爲天子富有四海之

內宗廟饗之子孫保之

保安也

故大德必得其位必得其

祿必得其名必得其壽

名令聞也

故天之生物必因其材而

篤焉

材謂其質性也篤厚也言善者天厚其福惡者天厚其毒皆由其本而爲之

故栽者培

之傾者覆之

栽讀如文王初載之載栽猶植也培益也今時人名草木之植曰栽築牆立板亦曰



栽栽或為茲覆敗也詩曰嘉樂君子憲憲令德宜民宜人受祿于

天保佑命之自天申之故大德者必受命憲憲興盛之貌保安也佑

助也愚按嘉善也毛詩本作假憲憲作顯顯

子曰無憂者其唯文王乎以王季為父以武王為子父

作之子述之聖人以立法度為大事子能述成之則何憂乎堯舜之父子則有凶頑禹湯之父子

則寡令聞父子相成唯有文王武王纘大王王季文王之緒壹戎衣而

有天下身不失天下之顯名尊為天子富有四海之內

宗廟饗之子孫保之纘繼也緒業也戎兵也衣讀如殷聲之誤也齊人言殷聲如衣虞夏

商周氏者多矣今姓有衣者殷之冑與壹戎衣者壹用兵伐殷也○釋文云壹戎衣尚書依字讀謂一著戎衣

而天下大定武王末受命周公成文武之德追王大王王季

上祀先公以天子之禮斯禮也達乎諸侯大夫及士庶

人父爲大夫子爲士葬以大夫祭以士父爲士子爲大

夫葬以士祭以大夫期之喪達乎大夫三年之喪達乎

天子父母之喪無貴賤一也末猶老也追王大王王季

以上至后稷也斯禮達於諸侯大夫士庶人者謂葬之

從死者之爵祭之用生者之祿也言大夫葬以大夫士

葬以士則追王者改葬之矣期之喪達於大夫者謂旁

親所降在大功者其正統之期天子諸侯猶不降也大

夫所降天子諸侯絕之不爲服所不臣乃服之也承葬

祭說期三年之喪者明子事父以孝不用其尊卑變○

齊召南曰古未見有

改葬之事鄭臆說耳

子曰武王周公其達孝矣乎夫孝者善繼人之志善述

人之事者也春秋脩其祖廟陳其宗器設其袞衣薦其

時食

脩謂埽糞也宗器祭器也袞衣先祖之遺衣服也設之常以授尸也時食四時祭也

宗廟之

禮所以序昭穆也序爵所以辨貴賤也序事所以辨賢

也旅酬下爲上所以逮賤也燕毛所以序齒也

序猶次也爵謂

公卿大夫士也事謂薦羞也以辨賢者以其事別所能

也若司徒奉牛宗伯共雞牲矣文王世子曰宗廟之中

以爵爲位崇德也宗人授事以官尊賢也旅酬下爲上

者謂若特牲饋食之禮賓弟子兄弟之子各舉解於其

長也逮賤者宗廟之中以有事爲榮也燕謂既祭而燕

也燕以髮色爲坐祭時尊尊也至燕親親也齒亦年也

踐其位行其禮奏其樂敬其所尊愛其所親事死如事

生事亡如事存孝之至也

踐猶升也其者其先祖也踐或為繼

郊社之禮

所以事上帝也宗廟之禮所以祀乎其先也

社祭地神不言后土

者省

明乎郊社之禮禘嘗之義治國其如示諸掌乎

示

如寅諸河干之寅寅置也物而在掌中易為知力者也

序爵辨賢尊尊親親治國之要○愚按示讀如字示猶

指也自郊社以下又因孝之至而廣言之饗帝饗親

孝子仁人也武王周公孝治天下之道備於此矣

哀公問政子曰文武之政布在方策其人存則其政舉

其人亡則其政息

方版也策簡也息猶滅也

人道敏政地道敏樹

敏

勉也樹謂殖草木也人之無政若地無草木矣敏或為謀

朱子曰敏速也夫政也者蒲盧

也

蒲盧螺贏謂上蜂也詩曰螟蛉有子螺贏負之螟蛉桑蟲也蒲盧取桑蟲之子去而變化之以成為己子

政之於百姓若蒲盧之於桑蟲然故為政在人在於得賢人也

○朱子曰蒲盧沈括以為蒲葦取人以身脩身以道脩道以仁取人以身言明仁者人

也親親為大義者宜也尊賢為大親親之殺尊賢之等

禮所生也以人也讀如相人偶之人在下位不獲乎上民

不可得而治矣此句其屬在下者脫誤重在此故君子不可以不脩身

思脩身不可以不事親思事親不可以不知人思知人

不可以不知天言脩身乃知孝知孝乃知人知人乃知

愚按仁義禮皆性之德本於天者也知者知此而已天

此節通結上文為下文起也始於知天終於脩身

下之達道五所以行之者三曰君臣也父子也夫婦也

昆弟也朋友之交也五者天下之達道也知仁勇三者

天下之達德也所以行之者一也達者常行百王所不變也或生而

知之或學而知之或困而知之及其知之一也困而知之謂長

而見禮義之事已臨之而有不足乃始學而知之此達道也或安而行之或利而行

之或勉強而行之及其成功一也利謂貪榮名也勉強恥不若人○愚按利

如知者利子曰好學近乎知力行近乎仁知恥近乎勇

知斯三者則知所以脩身知所以脩身則知所以治人

知所以治人則知所以治天下國家矣言有知有仁有勇乃知脩身則

脩身以此三者為基○愚按注疏因有子曰字斷此下另為一章非也朱子曰子曰二字衍文又曰家語亦載

此章成功一也之下有公曰云云故其下復以子日起  
解蓋子思所刪有不盡者也又按說苑建本篇引中庸  
曰好問近乎智下二句同摸書公孫  
宏上書引禮記亦云好問近乎知  
凡為天下國家有

九經曰脩身也尊賢也親親也敬大臣也體羣臣也子

庶民也來百工也柔遠人也懷諸侯也體猶接納也子  
猶愛也遠人蕃

國之諸侯也○愚按注釋柔遠人與尚書柔遠能邇之  
義合其理較大朱子則以無忘賓旅當之齊召南謂如

注說則遠人與諸侯是一事不應並列為九經此說恐  
非也愚周禮先王待蕃國不與內諸侯同故九經亦別

遠人於諸侯即此意也遠人先於諸  
侯者難服也九經之序皆先難後易修身則道立尊賢

則不惑親親則諸父昆弟不怨敬大臣則不眩體羣臣

則士之報禮重子庶民則百姓勸來百工則財用足柔

遠人則四方歸之懷諸侯則天下畏之

不惑謀者良也不眩所任明也

○愚按四方歸如貢羨獻雉者也

齊明盛服非禮不動所以脩身也去

讒遠色賤貨而貴德所以勸賢也尊其位重其祿同其  
好惡所以勸親親也官盛任使所以勸大臣也忠信重  
祿所以勸士也時使薄斂所以勸百姓也日省月試既  
廩稱事所以勸百工也送往迎來嘉善而矜不能所以  
柔遠人也繼絕世舉廢國治亂持危朝聘以時厚往而  
薄來所以懷諸侯也

同其好惡不特有所好惡於同姓雖恩不同義必同也尊重其祿位

所以貴之不必授以官守天官不可私也官盛任使大臣皆有屬官所任使不親小事也忠信重祿有忠信者



重其祿也時使使之以時曰省月試考校其成功也既  
讀爲餼餼廩稍食也豪人職曰乘其事考其弓弩以下  
上其食○愚按注謂有忠信者重其祿蓋以班祿有定  
式不可一加重故獎其忠勤所以作士氣使競勸也  
嘉善而外不能如鄭之義則來享來王者善也  
當以禮嘉之蕃國世一見所謂矜不能者也  
凡爲天

下國家有九經所以行之者一也凡事豫則立不豫則

廢言前定則不跲事前定則不困行前定則不疚道前

定則不窮

一謂當豫也跲躓也疾病也人不能病之○齊召南曰一謂當豫也注甚精所當豫者誠

是也疏云一謂

豫也非注之意在下位不獲乎上民不可得而治矣

也言臣不得於君獲乎上有道不信乎朋友不獲乎上

矣信乎朋友有道不順乎親不信乎朋友矣順乎親有

道反諸身不誠不順乎親矣誠身有道不明乎善不誠

乎身矣

言知善之爲善乃能行誠○愚按此皆事之非豫不立者

誠者天之道也誠

之者人之道也誠者不勉而中不思而得從容中道聖

人也誠之者擇善而固執之者也

言誠者天性也誠之者學而誠之者也因

誠身說有大至誠

博學之審問之慎思之明辨之篤行之有弗

學學之弗能弗措也有弗問問之弗知弗措也有弗思

思之弗得弗措也有弗辨辨之弗明弗措也有弗行行

之弗篤弗措也人一能之己百之人十能之己千之果

能此道矣雖愚必明雖柔必強

此勸人學誠其身也果猶決也○朱子曰博學

之以下家語無之意彼有  
闕文抑此或子思所補與

自誠明謂之性自明誠謂之教誠則明矣明則誠矣

也由至誠而有明德是聖人之性者也由明德而有至誠是賢人學以成之也有至誠則必有明德有明德則必有至誠

唯天下至誠爲能盡其性能盡其性則能盡人之性能

盡人之性則能盡物之性能盡物之性則可以贊天地

之化育可以贊天地之化育則可以與天地參矣

順理之使不失其所也贊助也育生也助天地之化生

謂聖人受命在王位致大平○愚按所以知聖人受命在王位者不在王位則不能使物各盡性而贊天地也

其次致曲曲能有誠誠則形形則著著則明明則動動

則變變則化唯天下至誠爲能化

其次謂自明誠者也致至也曲猶小小之

事也不能盡性而有至誠於有義焉而已形謂人見其功也盡性之誠人不能見也著形之大者也明著之顯者也動動人心也變改惡爲善也變之久則化而性善也○朱子曰致推致也曲一偏也形者積中而發外

至誠之道可以前知國家將興必有禎祥國家將亡必

有妖孽見乎蓍龜動乎四體禍福將至善必先知之不

善必先知之故至誠如神

可以前知者言天不欺至誠者也前亦先也禎祥妖孽蓍

龜之占雖其時有小人愚主皆爲至誠能知者出也四體謂龜之四足春占後左夏占前左秋占前右冬占後

右○愚按四體人之四體朱子謂動作威儀是矣○齊召南曰此注最陋鄭以誤抑龜策列傳而失之

誠者自成也而道自道也

言人能至誠所以自成也○朱子曰

道者人之所當自行也

誠者物之終始不誠無物

物萬物也亦事也大人無誠萬

物不生小人無誠則事不成

是故君子誠之為貴

至誠

誠者非自成

己而已也所以成物也成己仁也成物知也性之德也

合外內之道也

以至誠成己則仁道立以至誠成物則知彌博此五性之所以為德也外內所

須而合也外內猶上下也

故時措之宜也

時措言得其時而用也○

愚按朱子章句斷此上為一章注疏則連下至悠也久也為一章意蓋以至誠無息以下皆言成物之極功時措之妙用於理可通故從注說若其斷今夫天至

故至

誠無息不息則久久則徵徵則悠遠悠遠則博厚博厚

博厚

則高明

徵猶效驗也此言至誠之德既著於博厚所以

載物也高明所以覆物也悠久所以成物也博厚配地

高明配天悠久無疆

後言悠久者言至誠之德既至博厚高明配乎天地又欲其長久行

之

如此者不見而章不動而變無爲而成天地之道可

一言而盡也

言其德化與天地相似其爲物不貳則其

生物不測

言至誠無貳乃能生萬物多無數也

天地之道博也厚也高也

明也悠也久也

此言其著見成功也○愚按又言天地之道爲下文起也

今夫天斯

昭昭之多及其無窮也日月星辰繫焉萬物覆焉今夫

地一撮土之多及其廣厚載華嶽而不重振河海而不

洩萬物載焉今夫山一卷石之多及其廣大草木生之

禽獸居之寶藏興焉今夫水一勺之多及其不測黿鼉

蛟龍魚鼈生焉貨財殖焉此言天之高明本生昭昭地之博厚本由撮土山之廣大

本起卷石水之不測本從一勺皆合少成多自小致大為至誠者亦如此乎昭昭猶耿耿小明也振猶收也卷

猶區也詩曰維天之命於穆不已蓋曰天之所以為天也

於乎不顯文王之德之純蓋曰文王之所以為文也純

亦不已天所以為天文王所以為文皆由行之無已為之不止如天地山川之云也易曰君子以慎德

積小以成高大是與○愚按統結上文言天地至誠皆不息

大哉聖人之道洋洋乎發育萬物峻極于天育生也峻高大也

優優大哉禮儀三百威儀三千待其人而後行故曰苟

不至德至道不凝焉

言為政在人政由禮也凝猶成也○愚按此似不主為政言禮儀威

儀即至道也其人即至德也疏以禮儀即周禮威儀即儀禮蓋本禮器注而為說

故君子尊德

性而道問學致廣大而盡精微極高明而道中庸溫故

而知新敦厚以崇禮

德性謂性至誠者道猶由也問學學誠者也廣大猶博厚也溫讀如

煇溫之溫謂故學之孰矣後時習之謂之溫○愚按此節言君子修德凝道之功也朱子章句甚精○齊召南

曰此及居上不驕節注疏並另為章無條貫矣又以子曰吾說夏禮為王天下有三重章之首不過因有子曰

二字便為分章耳

是故居上不驕為下不倍國有道其言足以

興國無道其默足以容

興謂起在位也

詩曰既明且哲以保其



身其此之謂與

保安也

子曰愚而好自用賤而好自尊生乎今之世反古之道

如此者裁及其身者也

反古之道謂曉一孔之人不知今王之新政可從

非天

子不議禮不制度不考文

此天下所共行天子乃能一也禮謂人所服行也度國

家宮室及車輿也文書名也

今天下車同軌書同文行同倫

今孔子謂其時

雖有其位苟無其德不敢作禮樂焉雖有其德苟無其

位亦不敢作禮樂焉

言作禮樂者必聖人在天子之位

子曰吾說夏禮

杞不足徵也吾學殷禮有宋存焉吾學周禮今用之吾

從周

徵猶明也吾能說夏禮顧杞之君不足與明之也吾從周行今之道○愚按又加子曰者此節以上

蓋皆子思之言  
故加此以別歟

王天下有三重焉其寡過矣乎

三重三王之禮。愚按注本連上章末節故以

三王之禮詰三重其實非也朱子曰程子亦因鄭注上然文義不通呂氏謂議禮制度考文也說為得之

焉者雖善無徵無徵不信不信民弗從下焉者雖善不

尊不尊不信不信民弗從

上謂君也君雖善善無明徵則其善不信也下謂臣也臣

雖善善而不尊君則其善亦不信也徵或為證。齊召南曰注屬強解朱子曰上焉者謂時王以前下焉者謂

聖人在下經意方了然

故君子之道本諸身徵諸庶民考諸三王

而不繆建諸天地而不悖質諸鬼神而無疑百世以俟

聖人而不惑質諸鬼神而無疑知天也百世以俟聖人

而不惑知人也

知天知人謂知其道也鬼神從天地者也易曰故知鬼神之情狀與天地相似

聖人則之百世同道微或為證

是故君子動而世為天下道行而世為

天下法言而世為天下則遠之則有望近之則不厭

其用

法度想思若其將來也

詩曰在彼無惡在此無射庶幾夙夜以永

終譽君子未有不如此而蚤有譽於天下者也

射厭也永長也

仲尼祖述堯舜憲章文武上律天時下襲水土

此以春秋之義

說孔子之德孔子曰吾志在春秋行在孝經二經固足以明之孔子祖述堯舜之道而制春秋而斷以文王武王之法度春秋傳曰君子易為春秋撥亂世反諸正莫近諸春秋其諸君子樂道堯舜之道與末不亦樂乎堯舜之知君子也又曰是子也繼文王之體守文王之法度文王之法無求而求故譏之也又曰王者執謂謂

文王也此孔子兼包堯舜文武之盛德而著之春秋以  
侯後聖者也律述也述天時謂編年四時具也龔因也  
因水土謂記諸夏之事山川之異○齊召南曰鄭解中  
庸之妄此章為最此經贊孔子中庸之德冠古今而同  
天地不止言刪定六經也況祇以春秋當之乎因公羊  
傳以春王為文王獲麟傳有樂道堯舜之語遂附會以  
成其說解上律下龔則以編年記事釋之解小德太德  
則以諸侯天子喻之無已則又以大經為春秋以大本  
為孝經矣孔疏但知附注辟如天地之無不持載無不  
不能據經以辨其妄何哉辟如天地之無不持載無不  
覆幬辟如四時之錯行如日月之代明萬物並育而不  
相害道並行而不相悖小德川流大德敦化此天地之  
所以為大也聖人制作其德配天地如此唯五始可以  
當焉幬亦覆也小德川流浸潤萌芽喻諸  
侯也大德敦化厚生萬物喻天子也幬或作燾○愚按  
自此以下盡篇末不大聲以色注疏通為一章非也並

依朱子分章爲是其  
解詰則章句備矣

唯天下至聖爲能聰明睿知足以有臨也寬裕溫柔足

以有容也發強剛毅足以有執也齊莊中正足以有敬

也文理密察足以有別也

言德不如此不可以君天下也蓋傷孔子有其德而無其

命溥博淵泉而時出之

言其臨下普徧思慮深重非得其時不出政教溥博如

天淵泉如淵見而民莫不敬言而民莫不信行而民莫

不說是以聲名洋溢乎中國施及蠻貊舟車所至人力

所通天之所覆地之所載日月所照霜露所隊凡有血

氣者莫不尊親故曰配天

如天取其運照不已也如淵取其清深不測也尊親尊而

親之

唯天下至誠爲能經綸天下之大經立天下之大本知

天地之化育

至誠性至誠謂孔子也大經謂六藝而指春秋也大本孝經也

夫焉有所

倚肫肫其仁淵淵其淵浩浩其天

安有所倚言無所倚也故人人自以被

德尤厚似偏頗者肫肫讀如誨爾肫肫之恇恇恇懇誠貌也肫肫或爲純純

苟不固聰明聖

知達天德者其孰能知之

言唯聖人乃能知聖人也春秋傳曰末不亦樂乎堯舜之

知君子明凡人不知

詩曰衣錦尙絅惡其文之著也故君子之道闢然而日

章小人之道的然而日亡

言君子深遠難知小人淺近易知人所以不知孔子以其

深遠禪為絢錦衣之美而君子以絢表之為其文章露見似小人也君子之道淡而不厭

簡而文溫而理知遠之近知風之自知微之顯可與入

德矣淡其味似薄也簡而文溫而理猶簡而辨直而溫也自謂所從來也三知者皆言其睹末察本探端

知緒也人德入聖人之詩云○愚按辨尚書作廉詩云德亦孔昭故君

子內省不疚無惡於志其德亦甚明矣疚病也君子自

省身無愆病雖不遇世亦無損害於己志君子之所不可及者其唯人之所

不兄乎詩云相在爾室尚不愧于屋漏言君子雖隱居

容德也相視也室西北隅謂之屋漏視女在室獨故君

子不動而敬不言而信詩曰奏假無言時靡有爭假大也此

頌也言奏大樂於宗廟之中人皆肅敬金聲玉色無是  
有言者以時大平和合無所爭也○按奏毛詩作騶是

故君子不賞而民勸不怒而民威於鈇鉞詩曰不顯惟

德百辟其刑之

不顯言顯也辟君也此頌也言不顯乎文王之德百君盡刑之諸侯法之也

是故君子篤恭而天下平詩曰予懷明德不大聲以色

予我也懷歸也言我歸有明德者以其不大聲爲嚴厲之色以威我也

子曰聲色之於以

化民末也詩曰德輶如毛

輶輕也言化民當以德德之易舉而用其輕如毛耳

猶有倫上天之載無聲無臭至矣

倫猶比也載讀曰裁謂生物也言毛雖輕

尚有所比有所比則有重上天之造生萬物人無聞其聲音亦無知其臭氣者化民之德清明如神淵淵浩浩然後善○愚按載讀如字訓事也不訓生此二句詩文也不加詩曰或省文抑或脫文也○齊召南曰中庸一



篇雖雜在記中自古亦自單行隋志有宋戴顒中庸傳  
二卷梁武帝中庸講疏一卷唐李翱有中庸說宋仁宗  
天聖以還每書中庸賜新進士其書之  
重久矣但自程子以前俱墨守鄭注耳

禮記箋

表記第三十二

子言之歸乎君子隱而顯不矜而莊不厲而威不言而

信

此孔子行應聘諸侯莫能用己心厭倦之辭也矜謂自尊大也厲謂嚴顏色○愚按隱而顯者身晦而道

益明○方氏慤曰此篇稱子言之者八皆總其大同之略也稱子曰者四十五皆別其小異之詳也

子曰君子不失足於人不失色於人不失口於人是故

君子貌足畏也色足懾也言足信也

失謂失其容止之節也玉藻曰足容

重色容莊

甫刑曰敬忌而罔有擇言在躬

甫刑尚書篇名忌之言戒

也言已外敬而心戒慎則無有可擇之言加於身也

子曰褻襲之不相因也欲民之母相瀆也

其不相因者以

敬或以襲為敬禮盛者以襲為敬執玉龜之屬也禮不盛者以褻為敬受享是也○愚按褻襲隨事變易不得

憚勞苟為因子曰祭極敬不繼之以樂朝極辨不繼之

以倦極猶盡也辨分別政事也祭義曰祭之日樂與哀半饗之必樂已至必哀○愚按祭之終末笑語卒

獲廢徹不遲是謂不繼以樂也樂則敬弛

子曰君子慎以辟禍篤以不揜恭以遠恥

篤厚也揜猶困迫也○李

先坡曰篤實行道險夷一致不可困迫非先輝之謂也

子曰君子莊敬日強安肆日儉

肆猶放恣也儉苟且也肆或為褻

君子

不以一日使其躬儼焉如不終日

儼焉可輕賤之貌也如不終日言人而無

禮死無時○愚按僂如母僂言之僂立而市子曰齊戒

物者苟且卒遽不能久待安肆日偷者似之

以事鬼神擇日月以見君恐民之不敬也擇日月以見君謂臣在邑

也時傳曰使以十月入夏月也子曰狎侮死焉而不畏

也指鬼神也謂狎侮鬼神而不畏敬也

子曰無辭不相接也無禮不相見也欲民之母相褻也

辭所以通情也禮謂摯也春秋傳曰古者諸侯有朝聘之事號辭必稱先君以相接也易曰初筮告再三瀆瀆則不告褻之言

子言之仁者天下之表也義者天下之制也報者天下

之利也報謂禮也禮尚往來○愚按仁為人心所同嚮如表建而影隨也子曰以德報

德則民有所勸以怨報怨則民有所懲懲謂創艾詩曰無言

不讎無德不報讎猶答也大甲曰民非后無能胥以寧后非

民無以辟四方大甲湯孫也書以名篇胥相也民非君不能以相安子曰以德報

怨則寬身之仁也以怨報德則刑戮之民也寬猶愛也愛身以息

怨非禮之正也仁亦當言民聲之誤○愚按仁讀如字

子曰無欲而好仁者無畏而惡不仁者天下一人而已

矣是故君子議道自己而置法以民一人而已喻少也

行○愚按一人安仁者也君子以安仁子曰仁有三與

仁同功而異情謂安仁也利仁也強仁也利仁也與仁

同功其仁未可知也與仁同過然後其仁可知也仁者

安仁知者利仁畏罪者強仁

功者人所貪也過者人所

者或有悔者焉○愚按與仁同功如五霸假之與仁同過如周公監殷之使孔子知禮之對此呂氏說也竊謂仁者安仁如周公孔子知者利仁如五仁者右也道者

左也仁者人也道者義也

右也左也言相須而成也人

以事宜也春秋傳曰執未有言舍之者此其言舍之何人也○愚按此注仁者人也與中庸注同朱子章句則云人指人厚於仁者薄於義親而不尊厚於義者薄於

仁尊而不親

言仁義並行者也仁多則人親之義多則

道有至義有考至道以王義道以霸考道以爲無失

此

當言道有至有義有考字脫一有耳有至謂兼仁義者  
有義則無仁矣有考考成也能取仁義之一成之以不  
失於人非性也○愚按至道者於道知盡而行至義道  
者於道因事而制宜此方氏苞說也考道者稽考於道  
而事不輕舉亦可以無失此應氏說也

子言之仁有數義有長短小大中心慤怛愛人之仁也

率法而強之資仁者也資取也數與長短小大互言之耳性仁義者其數長大取仁義

者其數短小○方氏苞曰仁自親親之殺以至仁民愛  
物各有分數而不可混淆若妻子之愛上同父母恩及  
禽獸功不加百姓則反有害於仁義之長短小大則必  
以所處之時位與所值之事變權衡為取其大者長者  
而毋以小者  
短者害之詩云豐水有芑武王豈不仕詒厥孫謀以

燕翼子武王烝哉數世之仁也芑枸櫞也仕之言事也  
詒遺也燕安也烝君也

言武王豈不念天下之事乎如豐水之有芑矣乃遺其  
後世之子孫以善謀以安翼其子也君哉武王美之也  
○愚按芑穀名非枸櫨之杞也注訓詁謀燕翼勝詩箋  
遠矣陳氏云豐水之旁以潤澤生芑穀喻養成人材也  
武王豈不官使之乎言無遺才也聖人爲後嗣計莫大  
於遺之以人才是欲傳其孫之謀而燕安翼輔其子耳  
按管子云爲百年之計者莫國風曰我今不閱皇恤我  
於樹人陳氏此說似優於鄭

後終身之仁也

閱猶容也皇暇也恤憂也言我今尚恐不能自容何暇憂我後之人乎○按今

毛詩作躬

子曰仁之爲器重其爲道遠舉者莫能勝也行著莫能

致也取數多者仁也夫勉於仁者不亦難乎

取數多言計天下之

道仁居其多○愚按義之取數約仁之取數博是故君隨人所就皆得名仁而其蘊無盡是取數多也



子以義度人則難爲人以人望人則賢者可知已矣

以言

先王成法儼度人則難中也當以時人相比方耳○愚

按變言義者仁之一時一事得宜者卽義也方氏苞曰

苟律以義之精則難爲人矣惟以眾人望人則一事偶

合猶賢於無一合者荀卿云君子度已則以繩接人則

用繼亦此意也此節言君子

子自待宜厚責人宜輕子曰中心安仁者天下一人

而已矣大雅曰德輶如毛民鮮克舉之我儀圖之惟仲

山甫舉之愛莫助之

輶輕也鮮罕也儀匹也圖謀也愛猶惜也言德之輕如毛耳人皆以

爲重罕能舉行之者作此詩者周宣王之大臣也言我

之匹謀之仲山甫則能舉行之美之也惜乎時人無能

助之者言小雅曰高山仰止景行行止

賢者少之次也景明也

有明行者謂古聖賢也○愚按自此以下見中心安仁

者雖不可得然苟能如詩之好仁則猶可幾及故注謂

仁之次也止詩作行之子曰詩之好仁如此鄉道而行中道而廢

忘身之老也不知年數之不足也俛焉日有孳孳斃而

后已廢喻力極罷頓不能復行則止也俛焉勤勞之貌斃仆也○愚按俛低頭不顧貌孳生也言勤勤勉

勉日當作新意無窮時○方氏子曰仁之難成久矣人人

失其所好所言仁道不得其人故仁者之過易辭也辭猶解

者恭儉雖有過不為甚矣唯聖人無過○方氏苞曰此

承上二章言即不能日有孳孳斃而后已但不失其所

好而有志於仁則雖有過必不至於大惡而子曰恭近

禮儉近仁信近情敬讓以行此雖有過其不甚矣夫恭

寡過情可信儉易容也以此失之者不亦鮮乎

言罕以此失之

○王氏曰信近情當為情近信。○愚按敬德詩云溫溫

恭人維德之基子曰仁之難成久矣唯君子能之言能

道者少也是故君子不以其所能者病人不以人之所不能

者愧人病愧謂罪咎之是故聖人之制行也不制以己使民有

所勸勉愧恥以行其言以中人為制則賢者勸勉不禮

以節之信以結之容貌以文之衣服以移之朋友以極

之欲民之有壹也移讀如水汜移之移移猶廣大也極

字謂變移也。方氏苞曰游惰之士垂綏五小雅曰不

愧于人不畏于天言人有所行當慙怖於天人也。愚按引詩以證勸勉愧恥之意。是

故君子服其服則文以君子之容有其容則文以君子

之辭遂其辭則實以君子之德遂猶成也是故君子恥服其

服而無其容恥有其容而無其辭恥有其辭而無其德

恥有其德而無其行無其行謂不行其德○愚按德在內行在外世亦有明於道德而行

事未盡善者是故君子衰絰則有哀色端冕則有敬色甲冑

則有不可辱之色言色稱其服也○愚按言服其服則容辭德行須稱也詩云維

鷩在梁不濡其翼彼記之子不稱其服鷩鷩胡汚澤也汚澤善居泥水

之中在魚梁以不濡汚其翼爲才如君子以稱其服爲有德○愚按鷩捕魚之鳥也而翼不濡以言人容辭德

行與服不稱可恥如鷩也

子言之君子之所謂義者貴賤皆有事於天下天子親

耕桑盛秬鬯以事上帝故諸侯勤以輔事於天子

言無事而

居位食祿是不義而富且貴

子曰下之事上也雖有庇民之大德不敢有君民之心

仁之厚也

庇覆也無君民之心是思不出其位

是故君子恭儉以求役仁

信讓以求役禮不自尚其事不自尊其身儉於位而寡

於欲讓於賢卑己而尊人小心而畏義求以事君

役之言為

也求以事君者欲成其忠臣之名也○愚按

得之自是

不得自是以聽天命

言不易道微祿利也

詩云莫莫葛藟施于條

枚凱弟君子求福不回

凱樂也弟易也言樂易之君子其求福脩德以俟之不為回邪

之行要之如葛藟之延蔓於條枚是其性也

其舜禹文王周公之謂與有君

民之大德有事君之小心

言此德當不回也

詩云惟此文王小

心翼翼昭事上帝聿懷多福厥德不回以受方國

昭明也上

帝天也聿述也懷至也言述行上帝之德以至

子曰先

王謚以尊名節以壹惠恥名之浮於行也

謚者行之迹也名者謂聲

譽也言先王論行以為謚以尊名者使聲譽可得而尊信也壹讀為一患猶善也言聲譽雖有眾多者即以其

行一大善者為謚耳在上曰浮君子勤行成功聲譽踰行是所恥○陳注云壹專也善行雖多但節取其大者

以專是故君子不自大其事不自食其功以求處情過

行弗率以求處厚彰人之善而美人之功以求下賢

率循

也行過不復循行猶不貳過○陳氏云不率循過高之行惟求處篤厚之道而已是故君子雖

自卑而民敬尊之

言謙者所以成行立德

子曰后稷天下之爲烈

也豈一手一足哉

烈業也言后稷造稼穡天下世以爲業豈一手一足喻用之者多無數也

唯欲行之浮於名也故自謂使人

亦言其謙也辟仁聖之名云自便習於此

事之人耳

子言之君子之所謂仁者其難乎詩云凱弟君子民之

父母凱以強教之弟以說安之樂而母荒有禮而親威

莊而安孝慈而敬使民有父之尊有母之親如此而后

可以爲民父母矣非至德其孰能如此乎

有父之尊有母之親謂其

尊親已如父母○愚按強教如放勳曰匡之直之輔之

翼之說安如使自得之又振德之舜典曰敬敷五教在

寬蓋優游歷飫示以可說則安其所而無遷矣樂而母

荒四句卽強教說安之事強教如父故有父之尊說安

如母故有母之親下文又因父母之言廣

說尊親之事此皆當爲一章或斷之非也

今父之親子

也親賢而下無能母之親子也賢則親之無能則憐之

母親而不尊父尊而不親水之於民也親而不尊火尊

而不親土之於民也親而不尊天尊而不親命之於民

也親而不尊鬼尊而不親

或見尊或見親以其嚴與恩所尙異也命謂四時政令所

以教民勤事也鬼謂四時祭祀所以訓民事君也



子曰夏道尊命事鬼敬神而遠之近人而忠焉先祿而

後威先賞而後罰親而不尊遠鬼神近人謂外宗廟內朝廷其民之敝

褻而愚喬而野朴而不文以本不困於刑罰少詐諛也敝謂政教衰失之時也○釋

文喬音驕殷人尊神率民以事神先鬼而後禮先罰而後賞

尊而不親先鬼後禮謂內宗廟外朝廷也其民之敝

蕩而不靜勝而無恥以本快於鬼神虛無之事令其心放蕩無所定困於刑罰苟勝免而

無恥也月令曰無作淫巧以蕩上心周人尊禮尚施事鬼敬神而遠之近

人而忠焉其賞罰用爵列親而不尊以尊卑爲差其民

之敝利而巧文而不慙賊而蔽以本數交接以言辭尊卑多獄訟○愚按利謂

貪利尙施之敝也巧謂飾詐尊禮之敝也賊謂爭訟相害亦好施之敝也蔽謂昧於事理亦禮煩之敝也

子曰夏道未瀆辭不求備不大望於民民未厭其親殷

人未瀆禮而求備於民周人強民未瀆神而貧爵刑罰

窮矣未瀆辭者謂時王不尙辭民不褻爲也不求備不大望言其政寬貢稅輕也強民言承殷難變之敝也

言其繁文備設也

子曰虞夏之道寡怨於民殷周之道不勝其敝勝猶任也言殷

周極文民無恥而巧子曰虞夏之質殷周之文至矣言後

利後世之政難復虞夏之文不勝其質殷周之質不勝其

有王者其作質文言王者相變質子言之曰後世雖有作者虞帝弗可

及也已矣君天下生無私死不厚其子子民如父母有  
憺怛之愛有忠利之教親而尊安而敬威而愛富而有  
禮惠而能散其君子尊仁畏義恥費輕實忠而不犯義  
而順文而靜寬而有辨死以不厚其子言既不傳位又無以豐饒於諸臣也恥費不為辭  
費出空言也實謂財貨也辨別也猶寬而栗也靜或為  
情○方氏苞曰上思利民忠也以忠於利民為教故入  
人深○呂氏曰恥費用者儉於自奉輕財實者薄於言利○愚謂義而順猶直而溫也甫刑曰德  
威惟威德明惟明非虞帝其孰能如此乎德所威則人皆畏之言服  
罪也德所明則人皆尊寵之言得人  
也○釋文云惟威讀依尚書音畏

子言之事君先資其言拜自獻其身以成其信資謀也獻猶進

也言臣事君必先謀定其言乃後親進為君言是故君也○愚按資藉也如國語夏資裘冬資葛之資有責於其臣臣有死於其言故其受祿不誣其受罪益寡死其言者竭力於其所言之事死而不負於事不信其言如此乃為成其信

子曰事君大言入則望大利小言入則望小利大言可

事也小言可以立小事也入為君受之利祿賞也入或為人○愚按利謂澤及於物也注云入或為人亦通

故君子不以小言受大祿不以大言受小祿言臣受祿

能也○方氏苞曰大言入而君加以小祿則終不能易行其言而道有所屈矣故不可受而當引身以退

曰不家食吉此大畜彖辭也彖曰不家食吉養賢也言君有大畜積不與家食之而已必以祿賢

豐己能表記

者賢有大小祿有多少○齊召南曰周易正義解不家食謂不使賢人在家自食較此注為直截

子曰事君不下達不尙辭非其人弗自事自通於君也

不尙辭不多出浮華之言也弗自不身與相親○愚按

此三者皆為始進也下達謂自行干進尙辭謂獻策上

書自謂進身所由也自非小雅曰靖共爾位正直是與

神靖治也爾女也式用也穀祿也言之聽之式穀以女敬治女位之職事正直之人乃與

為倫友神聽女之所為用祿與女

子曰事君遠而諫則調也近而不諫則尸利也

尸謂不子曰邇臣守和宰正百官大臣慮四方邇近也和

謂調和君讓也邇近也和子曰邇臣守和宰正百官大臣慮四方

謂調和君官○齊召南曰注誤矣若據所謂苟同非和也必如晏

子所言可否相  
濟斯為守和耳  
子曰事君欲諫不欲陳  
陳謂言其詩云

心乎愛矣瑕不謂矣中心藏之何日忘之  
謂猶告也○

愚按瑕毛詩作遐引中心藏之以證不欲陳也藏鄭箋作臧

子曰事君難進而易退則位有序易進而難退則亂也

亂謂賢否不別○愚按序則賢否別也故君子三揖而進一辭而退以遠

亂也  
進難者為主人之擇己也子曰事君三違而不出

竟則利祿也人雖曰不要吾弗信也  
違猶去也利祿言

道去君至於三而不遂去是貪祿必以其強與君要子

曰事君慎始而敬終  
輕交易絕子曰事君可貴可賤可

富可貧可生可殺而不可使爲亂

亂謂違廢事君之禮

子曰事君軍旅不辟難朝廷不辭賤

言向忠且謙也

處其位而

不履其事則亂也

履猶行也

故君使其臣得志則慎慮而從

之否則孰慮而從之終事而退臣之厚也

使謂使之聘問師役之屬

也慎慮而從之者此己志也欲其必有成也否謂非己志也孰慮而從之又計於己利害也終事而退非己志

者事成則去也事或爲身○愚按注謂計於己利害者利固從之害亦不得辭之故須熟慮也易曰不

事王能高尙其事

言臣致仕而去不復事君也君猶高尙其所爲之事言尊大其成功也

子曰唯天子受命于天士受命于君

言皆有所受不敢專也唯當爲雖字

也故君命順則臣有順命君命逆則臣有逆命

言臣受順

則行順受逆則行逆如其詩曰鵲之姜姜鶉之賁賁人所受於君則爲君不易矣

之無良我以爲君姜姜賁賁爭鬪惡貌也良善也言我

於上小鳥賁賁於下○愚按姜姜賁賁毛詩作

子曰君子不以辭盡人善言其餘行或時惡也故天下

有道則行有枝葉天下無道則辭有枝葉行有枝葉所

有枝葉是眾虛華也枝葉是故君子於有喪者之側不

能賻焉則不問其所費於有病者之側不能饋焉則不

問其所欲有客不能館則不問其所舍皆辟有言而無其實故君

子之接如水小人之接如醴君子淡以成小人甘以壞



水相得合而已酒醴相得則敗  
淡無酸酢少味也接或為交  
小雅曰盜言孔甘亂是

用饑  
盜賊也孔甚也饑進也

子曰君子不以口譽人則民作忠  
譽繩也○釋文云左傳以繩為譽○按左

傳釋文云繩說文作譚今說文闕廣雅云譚譽也音繩  
故君子問人之寒則衣之

問人之飢則食之稱人之美則爵之  
皆為有言不實  
國風

曰心之憂矣於我歸說  
欲歸其所說忠信之人也

子曰口惠而實不至怨菑及其身  
善言而無信人所惡也  
是故君

子與其有諾責也寧有已怨  
已謂不許也言諾而國風

曰言笑晏晏信誓旦旦不思其反反是不思亦已焉哉

此皆相與為昏禮而不終也言始合會言笑和說要誓  
甚信今不思其本恩之反覆反覆之不思亦已焉哉無  
如此人何怨之深也

子曰君子不以色親人情疏而貌親在小人則穿窬之

盜也與子曰情欲信辭欲巧巧謂順而說也○愚按辭

陳注謂巧當作攷恐是

子言之昔三代明王皆事天地之神明無非卜筮之用

不敢以其私褻事上帝言動任卜筮也是故不犯日月

不違卜筮日月謂冬至正月及四時卜筮不相襲也

襲因也大事則卜小事則筮大事有時日大事有事於大神小事無

時日有筮

有事於小神無常時常

外事用剛日內事用

柔日

順陰陽也陽為外陰為內事之外內別乎四郊○愚按外內恐不以四郊為別說具曲禮不違

龜筮

子曰牲牷禮樂齊盛是以無害乎鬼神無怨乎百

姓

牲猶純也○陳氏云詳文義不違龜筮四字當在齊盛之下○愚按無害無怨四字文有倒誤當云無怨

乎鬼神無害乎百姓

子曰后稷之祀易富也其辭恭其欲儉其祿及子孫富

言備也以傳世之祿詩曰后稷兆祀庶無罪悔以迄于

今兆四郊之祭處也迄至也言祀后稷於郊以配天庶

肇

其無罪悔乎福祿傳世乃至于今○按兆毛詩作

子曰大人之器威敬言其用天子無筮謂征伐出師若

尊大事皆用卜也春秋傳曰諸侯有守筮守筮守國之

先王卜征五年歲襲其祥天子道以筮始將出卜之道

用天子道以筮有小事則用筮諸侯非其國不以筮卜

宅寢室入他國則不筮不敢問吉凶於人之國也諸侯

之耳○愚按注說未敢信為必然方氏苞謂卜者主國

卜之也客不筮恐人疑主國卜宅寢室以處之所以愛

敬客竊謂此說亦可疑若愛敬客者即主人自筮可矣

何至用卜也且文義亦無以見此句為主國也陳氏謂

諸侯出行必卜其所處之地慮他故也尤非也天子道

以筮諸侯乃道以卜乎此句文義未詳舊說未審誰是

又按此章似非孔子之言洪範云龜從筮從不得謂諸侯惟

子無筮晉文公欲納襄王既卜又筮之不得謂諸侯惟

有守筮也孔疏蓋亦覺天子不卜處大廟處吉則宮廟

其非故曲為之說耳

吉可知

子曰君子敬則用祭器

謂朝聘待賓客崇敬不敢用燕器也

是以不廢日

月不違龜筮以敬事其君長

所用龜筮問所貢獻也

是以上不瀆於

民下不褻於上

言上之於下以直則下應之以正不褻慢也。○愚按此章亦未詳。○方氏苞曰

此人臣膳君之禮天子適諸侯或諸侯燕於諸臣之家則用祭器卜日而請之春秋傳陳敬仲飲桓公酒曰臣卜其書蓋古有此禮若天子諸侯禮朝聘之賓雖用祭器而無卜日之禮且不宜曰以敬事其君長